

FLOUREGE PROUVENÇAU

Suplimen literàri à PROUVÈNÇO! adouba de la man di flouregian.

LOU FLOUREGE PROUVENÇAU - 1907 (Assouciacion de proupagando felibrenco)

ESTATUT

ARTICLE PROUMIÉ.— Lou Floureg Prouvençau a pèr toco de persegre l'espandimen de la lengo prouvençalo, proupaga la dóutrino felibrenco caupudo dins l'obro de F. Mistral e de sis disciple.

L'Assouciacion enançara la proupagando pèr la publicacion dirèito o lou patronage de journau, broucaduro, armana, image, libre, etc., e pèr l'ourganisacion de counferènci, cours d'estùdi, representacion, councert, biblioutèco, fèsto aguènt un caratèrè prouvençau.

Tóuti preócupacion dicho poulitico o religiouso soun assouladamen foro-bandido de l'Assouciacion.

ART. 2. — Lou Floureg se coumpauso de membre foundadou e de membre aderènt. Li membre foundadou soun au nombre de 21, lou mai, e coustituisson lou Counsèu dóu Floureg; lou nombre di membre aderènt es ilimita.

Lou Floureg pòu s'ajougne, à titre d'afiha, li journau, revisto, armana e autri publicacion miejournalo (que soun representa dins aquelo afihacion pèr si direitour), ansin que de libraire, editour, εμπremèire e àutris endustriau dins lou cas d'ajuda la proupagando. Li coundicion de l'afihacion soun reglado dins chasque cas entre lou Counsèu e l'Afiha.

ART. 3. — L'Assouciacion es representado pèr un burèu coumpausa d'un presidènt, d'un vice-presidènt, d'un secretàri generau, d'un tresourié e de secretàri-ajoun en nombre counvenènt. Lou burèu es renouvela tóuti li tres an pèr mita: lou presidènt e lou tresourié sourtiran en 1908 e, tóuti li sièis an, à parti d'aqui; lou vice-presidènt e lou secretàri generau en 1911 e, tóuti li sièis an, à parti d'aqui; li membre sourtènt soun reeligible. Lou presidènt, lou vice-presidènt, lou secretàri generau e lou tresourié soun elegi à la majourita di sufrage de tóuti li membre, mai soun chausi esclusivamen permié li membre foundadou. L'eleicion se fai en acampado generalo. Li secretàri-ajoun soun chausi pèr lou secretàri generau permié li membre de l'Assouciacion.

ART. 4. — Lou Burèu e lou Counsèu se reünisson tóuti fes que n'es mestié. I'a tóuti lis an un Acamp generau de l'Assouciacion moute se voto lou bilans annau e se soumeton li questioun d'interès generau.

ART. 5. — Li nouvèu membre foundadou o aderènt soun nouma à la majourita di tres-quart di sufrage pèr lou Counsèu.